

1 YOHANES

Yohanes Ovoli Ɔtɔnyade

Baguma Kale a Akpa Nkpã.

^I Bɔtsɛle ovoli kɔ̃i bɔamɛna mi nɛ Baguma kale a kɔ̃i kakpa nkpã, kɔ̃i kideĩ anɛ kayɔkayi a akũ. Bunu kale kɔ̃i, bɔmó ke mɔ anɛ, nɛ ɔnokɔali kame ni, bɔmó ke, ade bɔta ke mɔ awɛ lɛmɛ a. ^{II} Kɔ̃i nkpã kɔ̃i nye ye akũ kanya a, bɔmó ye, foesũ bɔle fɔletsɛ nɛ ye akũ, ade bude letsã nɛ nkpã kɔ̃i elá kawũna a, kɔ̃i edeĩ nɛ Ɔlɛga a sekẽ kɔ̃i Baguma nye etsa boe malo akũ a, bɔkpa mi. ^{III} Letsa a kɔ̃i bɔmó, bunu a, ade de bɔabi mi malo a, ayekĩ míayabumɔ boe nɛ ɔmɔa a kɔ̃i bɔkena mɔ Ɔlɛga a mɔ ye Obi Yesu Kristo. ^{IV} Bɔtsɛle ovoli kɔ̃i katsɛle bɔama mi, ayekĩ boe kawɔlekamɔ a aakpola.

Baguma Nye Ɔhaĩ.

^V Finyaa ni, ɔledo a kɔ̃i bunu butomɛna ye Obi sekẽ a, kɔ̃i bɔkɔa bɔade letsã nɛ ye akũ bɔkpa mi a nye Baguma nye ɔhaĩ, ade ɔtũ odima leláa ye kame a. ^{VI} Foesũ nte bɔle kɔ̃i budeĩ nɛ ɔmɔa kakɛna kame mɔ ye mɔ bubuki bɔtsɛ nɛ ɔtũ kame ni, kekɔ bɔama fɔvã nɛ boe kɔdzɛla kale mɔ boe fɔkɛlatsa kame. ^{VII} Lɛmɛ nte budeĩ nɛ ɔhaĩ kame ndɛ ayekĩ ye malo edeĩ nɛ ɔhaĩ a kame ni, kekɔ bɔakɛna ɔmɔa mɔ boe akũ akũ, ade ye Obi Yesu babɔanɛ a vɔle tɔkpa tidi nye tidi nɛ boe akũ a.

^{VIII} Nte bɔle kɔ̃i tɔkpa leláa boe akũ ni, kake bɔake boe akũ, ade ɔnokɔali a leláa boe kame

a. ^{IX} Leme nte bubinya boe tokpa kame botsa Baguma ni, enye onokwalini mo oti kpĩĩ kĩ yaakoa boe tokpa ete boe, evole efĩĩ adi nye adi ne boe akũ. ^X Leme nte bole kĩ botakena tokpa ni, bute Baguma fovã, ade ke ye kale a leme lelãa boe kame a.

II

Kristo Nye Boe Obumenans.

^I Yĩ babi, nlamena foletsã kĩĩ katsela kamena mi ayekĩ milãakena tokpa. Leme nte odi kena tokpa ni, budeĩ odi kĩ yawãne boe lolõ ne Olega a sekẽ. Ade ye nye Yesu Kristo kĩ enye oti kpĩĩ a. ^{II} Kristo akũ Baguma tsã ekõa boe tokpa ete boe. Nnẽ boe odi tokpa ekõa ete, mbom ekõa ete batidziwa flee.

^{III} Nte bokena ne Baguma mbla a akũ ni, fõafõ bõmõ buyi osũ kĩ bunyina ye. ^{IV} Oti a kĩ yale kĩ, “Inyina ye,” leme yaakena ne ye mbla a akũ ni, ovãlevã yane, ade onokwali a lelãa ye kame a. ^V Leme odi nye odi kĩ yakena ne ye kale a akũ ni, ade ye odo a kĩ edeĩ ekpa Baguma a lekpolã a. Ayekĩ bõakena bunyi kĩ bokena omõa mo Baguma nye kĩ, ^{VI} Odi nye odi kĩ yale kĩ edeĩ ne Baguma kame ni, kene kĩ edzi nkpã nde ayekĩ Yesu Kristo dzi a.

Mikena Ne Mbla Võẽ a Akũ.

^{VII} Yĩ bakõba kĩ maátunõ kale, nno mbla võẽ ntsele mama mi, mbom mbla kõe a kĩ bekpa mi kito ane kayokayi a yane. Mbla kõe a nye oledo a kĩ minu kõkõkõe a. ^{VIII} Leme mbla a kĩ ntsele finyaa mamena mi a nye avõẽ, ade onokwali a kĩ

edeĩ ne ye kame a leme nye akũ ne Kristo mo mi kame a. Kitonekĩ otũ a lamena katẽ ade ohaĩ moawe a lamena kavole kokoe a.

IX Odi nye odi kĩ yale kĩ edeĩ ne ohaĩ a kame, leme yakesĩ owaẽ ni, ebuki edeĩ ne otũ kame keyawo finyaa. **X** Odi nye odi kĩ yawe owaẽ kale ni, edeĩ ne ohaĩ a kame, foesũ letsama leláfõ ekena tokpa. **XI** Leme odi nye odi kĩ yakesĩ owaẽ ni, edeĩ ne otũ kame, etsẽ ne otũ kame, ade enyina awã kĩ yakpa, kitonekĩ otũ a ko ye ane.

XII Mi babisẽ, mi nlamena ovoli kĩ katsеле kama, kitonekĩ bekoa mi tokpa bite mi ne Kristo sũ.

XIII Mi balega, mi nlamena ovoli kĩ katsеле kama, kitonekĩ minyi Kristo a kĩ edeĩ nkpã kito ane kayokayi a.

Mi bapopo, mi nlamena ovoli kĩ katsеле kama, kitonekĩ minya Oti Kpa a akũ.

XIV Mi babisẽ, mi nlamena ovoli kĩ katsеле kama, kitonekĩ minyina Olega a.

Mi balega a, ntsele mma mi, kitonekĩ minyina Kristo a kĩ edeĩ nkpã kito ane kayokayi a.

Mi bapopo, ntsele mma mi, kitonekĩ mideĩ kobẽ, Baguma kale a deĩ ne mi kame, ade minya Oti Kpa a akũ a.

XV Mitawe katinya iye fotsa a kĩ fudeĩ ne ke kame a fudima kale. Nte odi awe katinya kale ni, Olega a odo lelãa ye kame. **XVI** Kitonekĩ katinya kame fotsa flee kĩ foako sukena odo, iye foako ane odo, mo fotsa a kĩ oti apia ne foe akũ a leme, fudima táto Olega a sekẽ, mbom katinya kame futo. **XVII** Katinya mo ke kame fotsa a kĩ foako oti

odo aatẽ, lemẽ oti a kĩ yakena ne Baguma kawẽ akũ a, aadzi nkpã daa.

Midã Kadã Wĩ Ne Kristo Bakesĩne a Akũ.

^{XXVIII} Yĩ babi, katinya kawũna a fuã! Nde ayekĩ minu kĩ Kristo okesĩne a aaya a, finyaakĩ malo Kristo bakesĩne pii né kókoe, ne foesũ bunyina kĩ katinya kawũna a fuã. ^{XIX} Ne ɔnokɔali kame ni, boe kame bati kĩĩ né bito, lemẽ beláa boe kame. Kitonekĩ nte boe kame bideĩ ni, kufe bibuki bideĩ ne boe kame. Lemẽ bedzakũ ayekĩ fɔane fowa pefee kĩ be kame odima lenyé boe ode.

^{XX} Lemẽ Kristo kɔa Hũhũ Kpalewa eko ne mi akũ, ade mi flee minyi ɔnokɔali a. ^{XXI} Nné kĩ minyina ɔnokɔali a sũ mɔ matsela mi ovoli kĩĩ, mbom ayekĩ minyina ɔnokɔali a, ade minyina lemẽ kĩ fɔvã leláa ɔnokɔali a kame sũ.

^{XXII} Foesũ oweĩ koũ nye ɔvãlevã a? Ade ye nye oti a kĩ yale kĩ nné Yesu nye Kristo a. Ade oti kĩĩ odu liti enye Kristo okesĩne a kĩ esĩ ɔlega a mɔ Obi a flee a. ^{XXIII} Kitonekĩ odi nye odi kĩ esĩ Obi a ni, ɔlega a lenyé ye ode. Odi nye odi kĩ ete Obi ni, ɔlega a nye ye ode.

^{XXIV} Mifɔ fɔletsa a kĩ minu kito kayɔkayi a fona ne mi towɔle kame. Nte mipi fɔletsa a kĩ minu a midomɔ akũ ni, míapuli mina ne ɔmɔa kakena kame mɔ Obi a mɔ ɔlega a. ^{XXV} Letsa a kĩ Kristo mɔawe le eyi kĩ yaakpa boe nye nkpã kĩ elá kawũna a.

^{XXVI} Ade bati a kĩ bawe kĩ bake mi a akũ fɔletsa nlamena katsela kama mi a. ^{XXVII} Lemẽ mi kɔ kugua a kĩ Kristo tsela mi buki kudeĩ ne mi kame, foesũ fotásĩ kĩ odima abuki etsa mi fotsa. Kitonekĩ ye kugua katsela a atsa mi letsa nye

letsa, ade fotsa a kī koatsa a nye ɔnokɔali kī fovã leláa foe kame. Foesũ mikena ne ye fotsa katsa a akũ lokɔa mina ne Kristo kame.

XXVIII Foesũ finyaa, yĩ babi, midzi ne Kristo kame, ayekĩ nte eyane eta ne Luwi akũ ni, bóado ɔwɔle, kī kɔnyɔã leme leláako boe ne ye ane. **XXIX** Nte minyina kī Kristo nye oti kpĩ ni, kene kī mite mido kī odi nye odi kī yakena fotsa wĩ ni, Baguma obi yane.

III

Baguma Babi Bɔane.

I Midã ɔɔo a odu kī ɔlega a deĩ ekpa boe! Yawe boe kale paa kī have boe Baguma babi. ɔnokɔali fɔane kī ye babi bɔane leme. Letsa a sũ kī katinya kame bati linyina boe nye kī betányi Baguma. **II** Yĩ bakɔba kī maátuno kale, finyaa Baguma babi bɔane. Betánye letsa a kī de bóadani bɔkena a betsa boe tɔ, leme bunyina kī nte Kristo ya ni, bóana nde ye aye, kitonekĩ bóamɔ ye nde ayekĩ eti ela a. **III** Odi nye odi kī edeĩ kɔnɛte kĩ ne Kristo akũ ni, yakpale ye akũ nde ayekĩ Kristo nye oti kpalewa a.

IV Odi nye odi kī yakena tɔkpa ni, efum Baguma mbla a, kitonekĩ tɔkpa nye Baguma mbla kafum. **V** Leme minyina kī kaya Kristo ya kī yayaalo boe tɔkpa enamena, ade ne ye kame ni, tɔkpa tidima leláa. **VI** Foesũ odi nye odi kī ekena ɔmɔa mɔ Kristo ni, yaádzi kakena tɔkpa, leme odi nye odi kī edzi yakena tɔkpa ni, etámɔ tɔ ye iye etányi tɔ ye.

VII Yī babi, mitafõ odima leke mi! Odi nye odi kī yakena tuwī ni, enye oti kpī nde ayekī Kristo leme nye oti kpī a. **VIII** Odi nye odi kī yakena tɔkpa ni, Abonsam ode yanɛ, kitonekī Abonsam kena tɔkpa kito ane kayɔkayi a. Letsa a sū kī Baguma Obi a ya ne katinya kame nye kī yayaawɔla Abonsam fɔkelatsa a flee.

IX Odi nye odi kī enye Baguma obi ni, yaádzi kakena tɔkpa, kitonekī Baguma kutidu a deī ne ye kame. Eláapuli edzi ekakena tɔkpa kitonekī Baguma nye ye ɔlega. **X** Ntsitsemu a kī edeī ne Baguma babi mɔ Abonsam babi kayite nye kī, odi nye odi kī yaákena fɔtsa ne osi kpī akū ĩye yaáwe ɔwaɛ kale ni, enyé Baguma obi.

Miwe Akū Kale.

XI ɔledo a kī minu kito ane kayɔkayi a nye kī kene kī boawe akū kale. **XII** Mitana nde Kain aye kī enya oti kpa a ode, ekɔ ye mɔawe ɔwaɛ Abel a. Litsa sū Kain kɔ ye? Ekɔ ye kitonekī ye mɔawe a ekena tɔkpa leme ɔwaɛ kɔ kena fɔtsa ne osi kpī akū.

XIII Foesū, nwaɛ ame, fɔtakena mi saa kī katinya kame bati akesī mi. **XIV** Boe kɔ bunyina kī bɔtsā wuda kame buwo ne nkpā kame, kitonekī boawe akū kale. Odi nye odi kī yaáwe oti kale ni, ekahɔ ne wuda kame. **XV** Odi nye odi kī yakesī ɔwaɛ ni, owudini yanɛ, ade minyina kī nkpā kī ela kawūna a leláa owudini odima kame a.

XVI Ade limii bóanyi ayekī ɔɔ la a. Kristo kɔa ye nkpā ebɔa afɔlie ne boe lolɔ, foesū kene kī boe malo bɔkɔa boe nkpā bɔbɔa afɔlie ne boe bawaɛ lolɔ. **XVII** Nte odi deī akū fɔtsa mɔ emó ɔwaɛ kī kisī ye leme fɔtáko ye konya kī yabumɔ

ɔwaẽ a ni, nde yaapuli eɛ ne ye ɔwɔɛ kame kɪ yawe Baguma kale? ^{XVIII} Yɪ babi, mitafɔ̃ bokɔa fɔletsa mɔ kɔdzela kale pupulidza bɔwe oti kale, mbom mifɔ̃ boe oti kawe kena ne boe fɔkelatsa mɔ ɔnɔkɔali kame.

Bɔapuli Budo ɔwɔɛ Ne Baguma Anɛ.

^{XIX} Fɔtsɛ fukɪ akɪ bunyina kɪ bɔnye ɔnɔkɔali a bade, ade bɔapuli budo ɔwɔɛ ne Baguma anɛ a. ^{XX} Nte boe tɔwɔɛ kɔ boe kɔtɔ malo ni, bunyina kɪ Baguma bɛ boe tɔwɔɛ ade enyina letsa nye letsa a.

^{XXI} Yɪ bawaẽ kɪ maátuno kale, nte boe tɔwɔɛ lákɔ boe kɔtɔ ni, kekɔ bunyina kɪ bóado ɔwɔɛ ne Baguma anɛ, ^{XXII} lɔkɔa bɔte letsa nye letsa kɪ buvia a butomena ye sekɛ, kitonekɪ bɔakena ne ye mbla akɪ, ade bɔakena fɔtsa fɔawo ye anɛ a. ^{XXIII} Ye mbla a nye kɪ bɔte ye Obi Yesu Kristo budo, lɔkɔa bɔwe akɪ kale nde ayekɪ Kristo we etomena boe sekɛ a. ^{XXIV} Odi nye odi kɪ yakena ne Baguma mbla akɪ a, edeɪ ne Baguma kame, ade Baguma lɛme deɪ ne ye kame a. Hũhũ a kɪ Baguma kpa boe sũ ni, bunyina kɪ edeɪ ne boe kame.

IV

ɔnɔkɔali Hũhũ Mɔ Fɔvã Hũhũ.

^I Yɪ bakoba kɪ maátuno kale, mitate odi nye odi kɪ yale kɪ Baguma Hũhũ deɪ ne ye kame mido, mbom misɔ ye midã nte hũhũ a kɪ edeɪ ne ye kame a to Baguma sekɛ. Kitonekɪ fɔvã onukpɛ banyene pii ne betsɛ bamini ne katinya kame.

^{II} Ade fukɪ míakɔa minyi nte Hũhũ a to Baguma

sekẽ a. Hũhũ adi nye adi kĩ yalẽ kĩ Yesu Kristo ya ne katinya kame nde otidziwa aye ni, eto Baguma sekẽ. ^{III} Leme hũhũ adi nye adi kĩ yaádi Yesu akũ adansie ni, etáto Baguma sekẽ. Ade ekĩi nye Kristo okesĩne hũhũ a kĩ minu kĩ yaaya a, ade finyaakĩi malo eya edeĩ ne katinya kame kókoe.

^{IV} Leme yĩ babi, Baguma bade miane, ade minya fovã onukpẽ banyene a akũ, kitonekĩ Hũhũ a kĩ edeĩ ne mi kame a bẽ hũhũ a kĩ edeĩ ne katinya kame bati kame a. ^V Ayekĩ katinya kame bati bane sũ ni, fovã onukpẽ banyene a ale kodzela ne katinya kame fotsa odi akũ, ade katinya kame bati a atse be oledo a. ^{VI} Leme boe kõ ni, Baguma bade boane. Odi nye odi kĩ enyina Baguma ni, yatse boe oledo, leme odi nye odi kĩ enyé Baguma ode ni, yaátse boe. Foesũ fukĩi bókoba bomó onokoli Hũhũ mo fovã hũhũ.

Baguma Nye Odo.

^{VII} Bakoba kĩ maátuno kale, mifõ bowe akũ kale, kitonekĩ Baguma sekẽ odo to. Odi nye odi kĩ yawe bati kale ni, Baguma obi yane ade enyina Baguma a. ^{VIII} Odi nye odi kĩ yaáwe bati kale ni, enyina Baguma kitonekĩ Baguma nye odo. ^{IX} Ayekĩ Baguma nye ye odo etsa boe nye kĩ edo ye Obi moape ne katinya kame, fotsẽ ye akũ ni, bõna nkpã kĩ ela kawũna a. ^X Ade fukĩi kame bunyi letsa a kĩ liti lenye odo a. Nné ayekĩ bowe Baguma kale, mbom ayekĩ Baguma we boe kale, edo ye Obi kĩ enya oti kĩ yaatsã ye akũ ekõa boe tokpa ete boe.

^{XI} Yĩ bakoba kĩ maátuno kale, nte aye Baguma we boe kale kõ ni, kefeta kĩ boe malo bowe akũ

akũ kale. ^{XII} Odima támo tõ Baguma. Leme nte boawe akũ akũ kale ni, kekõ Baguma deĩ ne boe kame, ade ekena ye odo a ekpola ne boe kame a.

^{XIII} Bote budo kĩ budeĩ ne Baguma kame, ade ye malo edeĩ ne boe kame a, kitonekĩ ekõa ye moawe Hũhũ ekpa boe. ^{XIV} Bomó fukĩ ade bude letsã ne foe akũ bokpa bati kĩ Olega a do ye Obi kĩ eyaanya katinya kame Otene. ^{XV} Odi nye odi kĩ ebinya ye kame ele kĩ Yesu nye Baguma Obi ni, Baguma deĩ ne ye kame ade ke ye malo edeĩ ne Baguma kame a. ^{XVI} Boe moawe a bunyina ade bote Baguma odo a kĩ edeĩ ekpa boe a budo a.

Baguma nye odo, ade odi nye odi kĩ yawe bati kale ni, edeĩ ne Baguma kame ade Baguma leme deĩ ne ye kame a. ^{XVII} Ade fukĩ kame odo a aakpola ne boe kame ayekĩ bóado owole ne Kadze Luwi a akũ, kitonekĩ boe nkpã kadzi kame ne katinya kĩ kame ketimo Kristo ade a. ^{XVIII} Libe leláa odo kame, mbom odo a kĩ ekpola a, ablomena libe ne bati kame. Ne foesũ odi nye odi kĩ yavila ni, ye odo tákpola kitonekĩ libe mo soto kavele tsẽ.

^{XIX} Boawe Baguma kale kitonekĩ ye lenya loto ewe boe kale. ^{XX} Nte odi le kĩ, “Mawe Baguma kale” leme yakesĩ owaẽ ni, ovãlevã yanẽ. Kitonekĩ odi nye odi kĩ yaáwe owaẽ a kĩ yamo mo ane kale a, lelápuli ewe Baguma kĩ yaámo mo ane a kale. ^{XXI} Mbla a kĩ Kristo kpa boe nye kĩ odi nye odi kĩ yawe Baguma kale ni, ewe owaẽ leme kale.

Bɔnya Katinya Kame Akū.

^I Odi nye odi kī ete edo kī Yesu nye Kristo a ni, Baguma obi yanε. Ade odi nye odi kī yawε obilega kale ni, yawε ye obi lεmε kale. ^{II} Foesū nte bɔawε Baguma kale mɔ bɔakena ne ye mbla akū ni, kekō bunyina kī bɔawε Baguma babi lεmε kale. ^{III} Nte bɔkena ne Baguma mbla a akū ni, fɔatsa kī bɔawε ye kale. Baguma mbla akū kakena lelá ɔsī ɛkpa boe, ^{IV} kitonekī odi nye odi kī enye Baguma obi anya katinya kame akū. Letsa a kī bɔkɔa bɔnya katinya akū nye boe katekado. ^V Owei aapuli enya katinya akū keba oti a kī ete edo kī Yesu nye Baguma Obi a?

Adansie Kadi Ne Yesu Kristo Akū.

^{VI} Yesu Kristo nye oti kī etsā mui mɔ babɔane kame ɛya ne katinya kame. Etáya ne mui odi kame mbom ɛya ne mui mɔ babɔane kame. Ade Baguma Hūhū a mɔawε adi adansie kī ɔnɔkɔali fɔane, kitonekī Hūhū a nye ɔnɔkɔali a. ^{VII} Adansifo elale deī. ^{VIII} Ade be nye Hūhū a, mui a mɔ babɔane a. Be elale a flee ale onukpě mɔa. ^{IX} Bote otidziwa adansie kadi a budo, lεmε Baguma adansie kadi a deī kɔbě kebě, kitonekī ye lidi adansie ne ye Obi akū. ^X Foesū odi nye odi kī ete Baguma Obi a edo ni, adansie kadi kī deī ne ye ɔwɔle kame. Lεmε odi nye odi kī etáte Baguma edo ni, ɛfō Baguma dani ɔvālevā, kitonekī etáte adansie a kī Baguma di ne ye Obi akū a edo. ^{XI} Adansie kadi a nye kī, Baguma kpa boe nkpā kī elá kawūna a, ade nkpā kī lεmε deī ne ye Obi kame a. ^{XII} Odi nye odi kī edeī Baguma

Obi a ni, edeĩ nkpã kĩĩ. Ade aye odi nye odi kĩ elá
Obi a ni, elá nkpã kĩĩ.

Nkpã Kĩ Elá Kawũna.

XIII Ntsele ovoli kĩĩ mama mi a kĩ mite Baguma
Obi a mido, ayekĩ míanyi kĩ mideĩ nkpã kĩ elá
kawũna a. **XIV** Budeĩ ɔwɔle kado ne Baguma
ane kitonekĩ nte buvia ye letsa nye letsa ne ye
kawe onukpẽ ni, yatse boe. **XV** Nte bunyina kĩ
yatse letsa nye letsa a kĩ boavia ye ni, kekõ
bunyina leme kĩ letsa nye letsa kĩ boavia ni, boate
katomena ye sekẽ.

XVI Nte odi mo ɔwaẽ kĩ yakena tokpa kĩ
teláakpã ye tenamena wuda kame ni, kene
kĩ yaboa mpae ekpa Baguma lokoa yaakpa ye
nkpã. Bati a kĩ bakena tokpa a kĩ taávele wuda
kayamena a foletsa male. Leme tokpa tidi deĩ
kĩ takpã oti kanamena wuda kame, nlámena
kale kĩ miboa mpae mikpa Baguma ne te akũ.
XVII Lekenana kpa lidi nye lidi nye tokpa, leme
tokpa tidi deĩ kĩ taánamena oti wuda kame.

XVIII Bunyina kĩ odi nye odi kĩ enye Baguma
obi ládzi kakena tokpa, kitonekĩ Baguma Obi a
adáména ye akũ, ade Okesĩne a leláapuli ekéna
ye ablo adima a.

XIX Bunyina kĩ Baguma bade boane, ade
katinya kame flee leme deĩ ne Okesĩne a kobẽ
kayo. **XX** Bunyina kĩ Baguma Obi a ya, ade ekpa
boe foletsa kayokanu ayekĩ bóanyi Baguma a kĩ
enye ɔnokɔali a. Budzi nkpã ne ɔnokɔali Baguma
a kame, budzi nkpã ne Obi Yesu Kristo leme
kame. Ade ye nye ɔnokɔali Baguma mo nkpã kĩ
elá kawũna a.

XXI Yĩ babi, mivɛɛ mi akũ nɛ baviõ owě.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e